

Sarajevo, 27-05-2021

Broj: 60-04-M-25567

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta Kliničkog centra Univerziteta u Sarajevu, Pravilnika o javnim nabavkama Kliničkog centra Univerziteta u Sarajevu, na prijedlog Komisije za javne nabavke (br. Izvještaja Komsije 10-11-3-24899 od 25.05.2021 godine), Generalna direktorica donosi:

IZMJENA I DOPUNA ODLUKE

o rezultatima okončanog postupka javne nabavke, putem otvorenog postupka, a koji se odnosi na javnu nabavku „Medicinska sredstva I/8/2021 – Klinika za radiologiju“

I

Prihvata se preporuka o izboru najpovoljnijeg ponuđača Komisije za javne nabavke i okvirni sporazum za nabavku „Medicinska sredstva I/8/2021 – Klinika za radiologiju“ koji se dodjeljuje ponuđaču:

„MARK MEDICAL“doo

Za LOT-ove 3, 4, i 5 prema ponudi broj 10-11-3-19698 od 24.04.2021 godine.

II

Prijedlog okvirnog sporazuma dostavit će se na potpis izabranom ponuđaču najkasnije u roku od 10 dana, računajući od dana kada u svi ponuđači obaviješteni o izboru najpovoljnije ponude.

III

Obavezuje se ponuđač iz člana 1. ove Odluke da u roku od 7 (sedam) dana od prijema ove Odluke dostave dokumente navedene u tenderskoj dokumentaciji na centralni protokol ugovornog organa, sa obaveznom naznakom broja obavještenja na koji se isti odnose. Ukoliko su isti sastavni dio dostavljene ponude o istom obavezan je pismenim putem obavjestiti Ugovorni organ.

U slučaju da izabrani ponuđač propusti da dostavi dokaze o kvalificiranosti u navedenom roku ili dostavi neprihvatljive dokaze ova Odluka će se poništiti.

IV

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Stav 2. Zakona o javnim nabavkama.

OBRAZLOŽENJE

Dana 12.05.2021.godine od strane ponuđača Mark medical d.o.o. dostavljena je žalba broj 60-11-3-23091 na Odluku o rezultatima okončanog otvorenog postupka javne nabavke „Medicinska sredstva za potrebe KCUS-a I/8/2021 – Klinika za radiologiju“.

U dostavljenom aktu, žalitelj izjavljuje Žalbu na Odluku o rezultatima okončanog otvorenog postupka javne nabavke akt broj 60-04-4-22101 od 07.05.2021 godine zbog nepravilno utvrđenog činjeničnog stanja, što je dovelo do toga da ponuđač bude diskvalifikovan i na taj način oštećen zbog uskraćenog prava da se Ponuda uzme u razmatranje.

Komisija je provela postupak javne nabavke i dostavila Ugovornom organu Izvještaj br. 10-33-4-21608 od 05.05.2021. godine na osnovu kojeg je donesena Odluka o izboru najpovoljnijeg ponuđača br. 60-04-4-22101 od 07.05.2021. godine.

Imajući u vidu da je ponuđač Mark Medical d.o.o. dostavio CD-u koji ne sadrži traženi prilog anexa 3 u elektronskoj formi, tj. prazan CD, shodno odredbama tenderske dokumentacije (tačka 3.1) ponuda nije prihvaćena a ponuđač iz formalno pravnih razloga diskvalifikovan iz daljeg postupka.

U skladu sa članom 101. ZJN (*"Sl. glasnik BiH", br. 39/2014*) na navedenu odluku Komisije, izvršen je uvid u sporni CD od strane ponuđača Mark Medical d.o.o. dana 11.05.2021. godine, u prostorijama Kliničke apoteke. Na samom uvidu predstavnici firme žalitelja, izvršili su fizičko čišćenje spornog CD-a, kao i tehničku metodu otklanjanja eventualnog fizičkog oštećenja CD-a nakon čega je isti uredno **otvoren** na „lap topu“ diskvalifikovanog ponuđača Mark Medical d.o.o, kao i na više računara KCUS-a, sa sadržajem traženog priloga Anexa 3.

Nakon dostavljene žalbe, i izvršenog uvida ponuđača Mark medical d.o.o., Komisija je dostavila Izjašnjenje po istoj broj 10-11-3-23856 od 19.05.2021. godine, kojim se žalba ponuđača MARK MEDICAL d.o.o. Sarajevo, prihvata kao osnovana te je pristupila ponovnoj evaluaciji ponuda za LOT-ove:3,4, 5 i 7.

Komisija je od dole navedenog ponuđača tražila pojašnjenje:

MARK MEDICAL d.o.o.

- aktom broj 10-11-3-24473 od 21.05.2021 godine traženo je pojašnjenje cijene za Lot 5 - Stentovi Co-Cr za steniranje renalnih arterija.

Dostavljeno traženo pojašnjenje akt broj 10-11-3-24473-1 od 21.05.2021 godine.

LOTOVI ZA KOJE NIJE PRIHVAĆENA PONUDA

OMNIA MEDIC d.o.o.

LOT 3 –Stentovi za periferne dilatacije Co-Cr

U skladu sa tenderskom dokumentacijom:

Ponuđač je obavezan da dostavi potvrdu Agencije za lijekove i medicinska sredstva BiH o upisu ponuđenog medicinskog sredstva u registar medicinskih sredstava sa svim priložima.

Ponuđeno medicinsko sredstvo koje se ne vodi u registru Agencije za lijekove i medicinska sredstva BiH, smatraće se prihvatljivim samo ukoliko ne postoji medicinsko sredstvo sa istim karakteristikama/ekvivalent/upisano u registar Agencije do zadnjeg dana označenog za dostavljanje ponuda.

*Uman Samir
Legal Field*

Ukoliko se nudi medicinsko sredstvo koje se ne vodi u registru Agencije za lijekove i medicinska sredstva BiH, ponuđač je obavezan dostaviti uvjerenje o kvaliteti medicinskog sredstva koje se uvozi izdato od strane tijela ovlaštenog za potvrdu proizvođača (EC certifikat i/ili Declaration of conformity).

Napomena: Može se dostaviti kopija.

Obrazloženje:

Ponuda ponuđača OMNIA MEDIC d.o.o., nije prihvaćena jer ponuđeni predmetni materijal nije registrovan u Agenciji za lijekove i medicinska sredstva BiH. Obzirom da je drugi ponuđač dostavio ponudu za materijal koji se vodi u registru Agencije za lijekove i medicinska sredstva BiH, Komisija nije uzela u razmatranje ponudu za gore navedeni LOT.

MARK MEDICAL d.o.o.

LOT 7 –Balon za dilatacijski kateter za PTA

U skladu sa tenderskom dokumentacijom:

Ponuđač je obavezan da dostavi potvrdu Agencije za lijekove i medicinska sredstva BiH o upisu ponuđenog medicinskog sredstva u registar medicinskih sredstava sa svim priložima.

Ponuđeno medicinsko sredstvo koje se ne vodi u registru Agencije za lijekove i medicinska sredstva BiH, smatraće se prihvatljivim samo ukoliko ne postoji medicinsko sredstvo sa istim karakteristikama/ekvivalent/upisano u registar Agencije do zadnjeg dana označenog za dostavljanje ponuda.

Ukoliko se nudi medicinsko sredstvo koje se ne vodi u registru Agencije za lijekove i medicinska sredstva BiH, ponuđač je obavezan dostaviti uvjerenje o kvaliteti medicinskog sredstva koje se uvozi izdato od strane tijela ovlaštenog za potvrdu proizvođača (EC certifikat i/ili Declaration of conformity).

Napomena: Može se dostaviti kopija.

Obrazloženje:

Ponuda ponuđača MARK MEDICAL d.o.o., nije prihvaćena jer ponuđeni predmetni materijal nije registrovan u Agenciji za lijekove i medicinska sredstva BiH. Obzirom da je drugi ponuđač dostavio ponudu za materijal koji se vodi u registru Agencije za lijekove i medicinska sredstva BiH, Komisija nije uzela u razmatranje ponudu za gore navedeni LOT.

E AUKCIJA

Za dodjelu okvirnog sporazuma za nabavku „Medicinska sredstva za potrebe KCUS-a I/8/2021 – klinika za radiologiju“ predviđeno je provođenje postupka E-AUKCIJE. U skladu sa Tenderskom dokumentacijom tačka 1.4.1 isti se nije mogao zakazati niti za jedan LOT, jer je prihvaćena samo 1 (jedna) ponuda, u skladu sa članom 3 stav (3) Pravilnika o uslovima i načinu korištenja E-aukcije

(„Službeni glasnik BiH“, broj 66), te Komisija predlaže da se postupak okonča u skladu sa članom 69. Zakona JN.

Marko Marković
Božica Baldo

PRIJEDLOG KOMISIJE

Komisija predlaže da se okvirni sporazum za nabavku „ Medicinska sredstva za potrebe KCUS-a I/8/2021 – Klinika za radiologiju“ dodjeli dobavljačima:

MARK MEDICAL d.o.o.

LOT 3 Stentovi za periferne dilatacije Co-Cr	vrijednost bez PDV-a:	106.400,00 KM
LOT 4 Stentovi periferni samošireći	vrijednost bez PDV-a:	141.000,00 KM
LOT 5 Stentovi Co-Cr za steniranje renalnih arter	vrijednost bez PDV-a:	63.000,00KM
	Ukupno bez PDV-a:	310.400,00 KM
	+ PDV:	52.768,00 KM
	Ukupno sa PDV-om:	363.168,00 KM

- Rok isporuke traženog materijala 30 dana od prijema narudžbe;

- FCO skladište kupca O.J. Klinička apoteka KCUS-a;

- Odgođeno plaćanje 60 dana od ispostavljanja fakture

Napomena:

Izmjena i dopuna Izvještaja odnosi se samo na Lot 3 – Stentovi za periferne dilatacije Co-Cr, Lot 4 - Stentovi periferni samošireći, i Lot 5 - Stentovi Co-Cr za steniranje renalnih arterija dok Izvještaj br. 10-33-4-21608 od 05.05.2021. godine i Odluka o rezultatima br. 60-04-4-22101 od 07.05.2021. godine ostaju nepromjenjeni za sve ostale Lot-ove predmetnog postupka.

Na preporuku Komisije imenovane za predmetni postupak javne nabavke donijeta je Odluka kao u dispozitivu.

GENERALNA DIREKTORICA
Prof. dr. Sebija Izetbegović



PRAVNA POUKA:

Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama BiH („Službeni glasnik BiH“, broj 39/14) i/ili podzakonskih akata, ima pravo uložiti žalbu ugovornom organu u roku od 10 dana po prijemu Odluke o izboru, shodno Članu 99. i Članu 101. Zakona o javnim nabavkama BiH.

Urali Wmm
Sebi Izetbegović